



## ISLAMSKA ZAJEDNICA U BOSNI I HERCEGOVINI

Medžlis Islamske zajednice Brčko

Izvršni odbor

Broj: 01-03-2-4-581 / 26

Datum: 08. septembar 2026. godine

26. rebi'ul-evvel 1448. godine po Hidžri

U povodu konstantnih napada na instituciju Islamske zajednice – Medžlis Islamske zajednice Brčko, njegovo rukovodstvo a posebno glavnog imama našeg medžlisa, dr. Mustafa-ef. Gobeljića, koji traju već više od dvije i po godine, a u povodu određenih kleveta i neistina koje se vezuju za ime našeg glavnog imama, Medžlis Islamske zajednice Brčko izdaje

### SAOPĆENJE ZA JAVNOST

1. Medžlis Islamske zajednice Brčko najoštrije osuđuje sve dosadašnje klevetničke radnje i postupke određenih grupa i pojedinaca usmjerene na ličnost i porodicu našeg glavnog imama, a posebno posljednji slučaj psovke i vrijeđanja jednog od umrlih roditelja našeg glavnog imama, izrečenih na jednoj od lokalnih facebook stranica. Zahtijevamo od nadležnih institucija – Policije i Tužilaštva Brčko distrikta Bosne i Hercegovine da ovaj i sve dosadašnje slične slučajeve (objave i psovke) temeljito istraže, i u skladu sa važećim zakonskim propisima procesuiraju.
2. Podsjećamo javnost, da se već više od dvije i po godine, od kako traje ova bjesomučna kampanja – „tzv. afera milion“, nismo oglašavali, smatrajući nepotrebnim da reagiramo i polemiziramo sa određenim pojedincima i krugovima oko nečega što je bezočna laž i što se nikada nije dogodilo. Povod za naše reagiranje ovog puta, jeste činjenica da su pojedinci, u svom moralnom sunovratu, otišli dotle da su spremni psovati i uznemiravati čak i umrle članove porodice našeg glavnog imama. To je poraz morala i svakog vida civilizacijskog ponašanja koje nijedno društvo ne smije tolerirati.
3. Sa velikom dozom rezignacije i žaljenja konstatujemo da su i pojedini web portali i mediji koji svoje sadržaje distribuiraju na internetskim društvenim mrežama, učestvovali u kreiranju ili generiranju ovog lažnog i klevetničkog narativa; i time se delegitimizirali kao subjekti poštenog i neovisnog artikuliranja društvenih i javnih pitanja.
4. Kako bi se ovoj bezočnoj laži stalo konačno ukraj, zahtijevamo, kao oštećena strana, da nadležne lokalne ili državne institucije, izađu sa svojim stavom u vezi sa ovim slučajem i time doprinesu demontiranju jedne laži i klevete koja već više od dvije i po godine truje naš javni prostor.



MEDŽLIS ISLAMSKE ZAJEDNICE  
BRČKO

Adresa: Kučukalića br. 4, 76120 Brčko, Bosna i Hercegovina • tel/fax: +387 (0)49 214-195

e-mail: medzlisbrcko@gmail.com • www.medzlisbrcko.ba • Transakcijski račun: 1322402011559554 (NLB Tuzlanska banka)